

ENTI RREGULLATOR I UJIT



SHOQËRIA RAJONALE UK POGRADEC

ANALIZA E HUMBJEVE TË UJIT PËR VITIN 2022

Tiranë, 2023

Bilanci i Ujit

Analiza e Humbjeve të Ujit për Shoqërinë Rajonale UK Pogradec

I. Të Përgjithshme mbi Hartimin e Bilancit të Ujit

ERRU harton çdo vit Raportin e Bilancit të Ujit për shoqëritë që operojnë në Sektorin Ujësjiellës - Kanalizime. Ky raport merr një rëndësi të veçantë për një menaxhim racional të sektorit sepse trajton në mënyrë të veçantë treguesin e Ujit Pa të Ardhura, pra humbjet e ujit. Treguesi UPA lidhet ngushtësisht më cilësinë e shërbimeve që shoqëritë i ofrojnë konsumatorëve si edhe më qëndrueshmërinë financiare të tyre.

Organizimi i ri i shoqërive, në 15 shoqëri rajonale në sektorin UK, ka sjelle nevojën për një strukturim të ri të analizës mbi UPA dhe "Bilancin e Ujit" në tërësi. Analiza e humbjeve të ujit për çdo shoqëri rajonale kryhet duke analizuar fillimisht Bilancin e Ujit më vehte për çdo njësi (ish shoqëri UK) që tashmë është nën administrimin e shoqërisë rajonale të krijuar dhe më pas analiza bëhet në mënyrë të integruar për shoqërinë rajonale në tërësi. Kjo qasje mundëson vënien në pah të problematikave individuale të çdo njësie të cilat duhet të kihet parasysh në të ardhmen për zgjidhjen apo përmirësimin e tyre.

Kjo analizë i vjen në ndihmë çdo shoqëri rajonale duke i mundësuar asaj që nëpërmjet analizës së komponentëve përbërës të Bilancit të Ujit, për çdo njësi dhe në tërësinë e shoqërisë rajonale, të njihet në mënyrë analitike më nivelin e humbjeve (UPA), të nën komponentëve të saj, arsyet e veçanta të nivelit të lartë të humbjeve të ujit, nevojën dhe mënyrën e monitorimit të humbjeve, problematikat e faturimit më matje dhe aforfe, si dhe rekomandimet që ERRU jep për çdo shoqëri UK për të realizuar përmirësimet e nevojshme në punën e tyre.

"Bilanci i Ujit" si një instrument mjaft i rëndësishëm në përmirësimin e treguesit kryesor të performancës UPA, duhet të hartohet më të dhëna sa më të sakta pasi hapat që do të ndërmerren për reduktimin e tij lidhen ngushtësisht edhe më qëndrueshmërinë financiare të shoqërisë.

Si model i hartimit të Bilancit të Ujit do të përdoret ai i IWA (Shoqërisë Ndërkombëtare të Shoqërive të Ujësjiellësve).

Duke patur parasysh gjendjen teknike të sistemeve të furnizimit më ujë si mungesën e matësve në burim, mos organizim të rrjeteve shpërndarëse bazuar në konceptin e Zonave më Matje të Pavarura (DMA-të), mangësitë në mjetet dhe metodat e monitorimit të konsumit, është vendosur që si metodologji e llogaritjes së nën komponentëve të Bilancit të Ujit të përdoret ajo nga "lart-poshtë" (top-down), ku fokusi kryesor në llogaritjen e humbjeve totale është përcaktimi i humbjeve të dukshme, dhe më tej përcaktohen ato reale.

II. Analiza e Uji Pa të Ardhura (UPA) për Shoqërinë Rajonale UK Pogradec

Shoqëria rajonale UK Pogradec përbëhet nga ish shoqëritë UK ose Njësitë, përkatësisht UK Pogradec dhe UK Përrenjas, e cila ka qenë më parë nën juridiksionin e ish shoqërisë UK Librazhd.

Të dhëna të përgjithshme në lidhje me popullsinë e shërbyer, konsumin për banor me matje dhe pa matje në të gjithë zonën e shërbimit, të Sh. R UK Pogradec jepen në **tabelën 1**.

Nga të dhënat e Tabelës 1, probleme të **nën faturimit** me matje nuk konstatohet në asnjë nga njësitë ndërsa në lidhje me nën faturimin aforfe konstatohet se Njësitë Pogradec (30.5 litra/ditë për banorë) dhe Përrenjas (121.2 litra/ditë për banorë) duhet të analizojnë arsyet e nën faturimit aforfe (nëse përfshijnë në të dhe klientët jo aktive), sepse dihet që konsumi mesatar për banorë për këtë lloj faturimi referuar VKM nr.102, datë 16.03.1992, duhet të jetë 150 litra/ditë për banorë.

Tabela Nr. 1 Konsumi i Faturuar për Konsumatorët Familjare më Matje dhe Aforfe

Sh. R Pogradec	Popullsia me shërbim	Konsumi Total (në m3)	Konsumi i Matur (në m3)	Konsumi i Pamatur (në m3)	Nr. Lidhjeve me Matës	Nr. Lidhjeve Pa Matës	Konsumi i Matur		Konsumi Total
							Konsumi i Matur	Konsumi Aforfe	
							(l/ditë, banor)		
Pogradec	45,975	1,279,000	1,185,000	94,000	10,402	2,340	86.5	30.5	76.2
Përrenjas	6,001	251,779	249,019	2,760	2,379	25	114.9	121.2	114.9
Shuma	51,976	1,530,779	1,434,019	96,760	12,781	2,365	89.6	32.7	80.7

Referuar tendencës së rritjes së vazhdueshme të kërkesës për ujë, si dhe problematikat e pritshme të rezervave ujore për shkak të ndryshimeve klimatike duhet bërë një vlerësim i këtyre rezervave në krahasim me plotësimin e kërkesës për ujë, të paktën asaj aktuale. Për këtë qëllim në tabelën 2, krahas volumit të ujit të prodhuar dhe konsumit për popullsinë e shërbyer jepen dhe burimet ujore respektive dhe kapacitetet e tyre.

Tabela 2 Konsumi i Faturuar për Konsumatorët Familjare dhe Disponibiliteti i Burimeve

Sh. Rajonale Fier	Popullsia* e Shërbyer	Uji i Prodhuar që futet në sistem (ne m3)	Konsumi Total i Matur dhe Aforfe (l/ditë, banor)	Popullsia* e Regjistruar në Zonën e Shërbimit	Kapaciteti i Burimeve (ne m3/vit)	Sasia e Disponueshme e Ujit (l/dite, banor)	Diferenca ne Plotësimin e Kërkesës
							(l/dite, banor)
Pogradec	45,975	2,365,595	76	53,870	11,352,960	577	+501
Përrenjas	6,001	495,000	115	20,411	1,570,000	211	+96
Sh. R Pogradec	51,976	2,860,595	63	74281	12,922,960	477	+413

* Popullsia në juridiksion u korrigjua duke u bazuar në të dhënat e INSTAT-it të publikuara në rang qarku në Janar të vitit 2023 ndërsa për popullsinë në shërbim si bazë përlllogaritje shërbeu mbulimi më shërbim i raportuar nga vetë shoqëritë UK.

Nga tabela 2 shihet se shoqëria rajonale UK Pogradec ka burime të mjaftueshme ujore për plotësimin e kërkesës për ujë në zonën e saj të shërbimit. Në fokusin e shoqërisë rajonale duhet të jetë mbrojtja e burimeve nëpërmjet shfrytëzimit me efikasitet të burimeve ujore të disponueshëm, duke u bazuar në prodhimin sipas kërkesës për ujë si dhe reduktimin e humbjeve ujit në të gjitha njësitë përbërëse për të arritur dhe qëllimin final “kohëzgjatje të furnizimit më ujë më 24/7” për çdo njësi furnizimi.

II.1 UPA për Ish Shoqërinë UK Pogradec

Gjatë vitit 2022, ish shoqëria UK Pogradec ka prodhuar 2,365,595 m³ ujë i cili raportohet **i matur në nivelin 90.6%**. Shërbimi me furnizimin më ujë ofrohet për rreth 85.3% e popullsisë ndërsa numri i lidhjeve me ujin është 18,937 lidhje.

“UPA” rezulton në nivelin 35.07%. Rrjeti shpërndarës i furnizimit më ujë është pjesërisht i organizuar në zona të pavarura me matje (DMA), për rrjedhje monitorimi i humbjeve nuk bëhet i detajuar sipas DMA-ve por në tërësi për të gjithë sistemin dhe vështirëson monitorimin efikas të humbjeve dhe njëkohësisht bëhet pengesë gjatë ndërtimit të strategjive për zvogëlimin e humbjeve me orientim prioriteti në DMA-të më problematike.

Në tabelën 3 paraqitet bilanci i ujit si dhe komponentët përbërës të tij për ish shoqërinë UK Pogradec.

Tabela 3. Bilancit i Ujit për Ish Shoqërinë Pogradec - Viti 2022.

Emërtimi	Volumi i Ujit (në m ³)	Ndaj Ujit të Prodhuar (në%)
Volumi i ujit të prodhuar që futet në sistem	2,365,595	100.00%
Konsumi i ujit të faturuar i matur	1,450,849	61.33%
Konsum i ujit të faturuar i pa matur	85,169	3.60%
Faturimi Total	1,536,018	64.93%
Konsumi i Autorizuar i Pa faturuar	2,500	0.11%
Humbjet e ujit nga lidhjet e paligjshme në linjën e transmetimit	52,917	2.24%
Humbjet e ujit nga lidhjeve e paligjshme në rrjetin shpërndarës	101,253	4.28%
Humbjet e ujit nga pasaktësi në matjen e ujit, nën faturim etj.	90,970	3.85%
Humbjet e Dukshme (Administrative)	245,140	10.36%
Humbjet e ujit nga rrjedhjet në linjat e transmetimit	118,280	5.00%
Humbjet e ujit nga rrjedhjet në stacionin e pompave, burim.	47,312	2.00%
Humbjet e ujit nga rrjedhjet dhe kapërderdhjet në depot e ujit	23,656	1.00%
Humbjet e ujit nga rrjedhjet në rrjetin e shpërndarjes	378,495	16.00%
Humbjet e ujit nga riparimet në linjat e sistemit të Ujësjellësit	14,194	0.60%
Humbjet Reale (Teknike)	581,937	24.60%
Humbjet Totale (Reale dhe të dukshme)	827,077	34.96%
UJI PA TË ARDHURA	829,577	35.07%

Komente :

- UPA (35,07%) ndonëse nga performancat më të mira në sektor, duhet akoma të përmirësohet.
- Volumi i ujit të prodhuar që hyn në sistem raportohet i matur në nivelin 90.6 %.
- Niveli i humbjeve reale (24.6%) shkaktohet kryesisht nga rrjedhjet në rrjetin e shpërndarjes (16%) dhe atë të transmetimit (5%).
- Numri i klientëve të pajisur me ujëmatësa individualë është 16,548 ose 87.4 % e lidhjeve totale.

- Humbjet nga lidhjet e paligjshme në transmetim (2.24%) dhe shpërndarje (4.28%) nivele relativisht të ulta që duhen verifikuar për besueshmërinë e tyre.

Rekomandime:

- *Përsa i përket humbjeve nga lidhjet e paligjshme, duhet verifikuar baza e klientëve në terren dhe me ato të OSHEE-së.*
- *Në lidhje me nenfaturimet të orientohet kontrolli nëse janë të pajisur me ujëmatës shtëpitë private dhe kryesisht në zonat rurale etj.*
- *Ti kushtohet kujdes dhe rëndësi e veçantë volumit të ujit të prodhuar që përcaktohet më vlerësim, për t'ju afruar sa më shumë realitetit deri sa të mundësohet prodhimi i matur në nivelin 100%.*
- *Për humbjet reale në rrjetin e transmetimit dhe të shpërndarjes, shoqëria duhet të verifikojë nëse ekzistojnë të regjistruara në evidenca të cilat vërtetojnë çarje mjaft të shpeshta të linjave të transmisionit dhe shpërndarjes për të bërë të mundur eliminimin e defekteve në kohë.*
- *Shoqëria të shohë si prioritet plotësimin e të gjithë rrjeteve të shpërndarjes në DMA, të cilat mundësojnë monitorimin më të mirë të humbjeve, për të diagnostikuar ku janë problemet në humbjet, në bazë të të cilave do të hartohen planet e masave për zvogëlimin e tyre.*

II.2 UPA për Ish Shoqërinë UK Përrenjas

Shërbimi i FU në Nj. A. Përrenjas ofrohet për 67% të popullsisë në juridiksion. Prodhimi vjetor raportohet 495,000 m³ ujë **është 100% i vlerësuar**, sepse mungojnë matësat në burim. Numri i lidhjeve me ujin raportohet 2379 lidhje ku 99% e tyre janë të pajisur me ujëmatës ndërsa pjesa tjetër faturohet aforfe. Faturimi i realizuar rezulton në nivelin 50.86 % të prodhimit ndërsa **“Uji Pa të Ardhura” është në nivelin 49.14%**. Monitorimi i humbjeve në rrjetin shpërndarës nuk bëhet në baze të DMA-ve. Të dhënat e paraqitura në këtë analizë, për njësinë Përrenjas, janë përlllogaritur në bashkëpunim me Sh. R Elbasan e cila dispononte të dhënat e ish UK Librazhd për vitin 2022 si dhe nga të dhënat që ERRU ka në Njësinë e Monitorimit.

Në Tabelën 4 paraqiten komponentët përbërës të Bilancit të Ujit për ish shoqërinë UK Përrenjas.

Tabela 4. Bilanci i Ujit për Ish Shoqërinë UK Përrenjas – Viti 2022

Emërtimi	Volumi i Ujit (në m3)	Ndaj Ujit të Prodhuar (ne%)
Volumi i ujit të prodhuar që futet në sistem	495,000	100.00%
Konsumi i ujit të faturuar i matur	249,019	50.31%
Konsum i ujit të faturuar i pa matur	2,760	0.56%
Faturimi Total	251,779	50.86%
Konsumi i Autorizuar i Pa faturuar	5,000	1.01%
Humbjet e ujit nga lidhjet e paligjshme në linjën e transmetimit	20,000	4.04%
Humbjet e ujit nga lidhjeve e paligjshme në rrjetin shpërndarës	45,000	9.09%

Humbjet e ujit nga pasaktësi në matjen e ujit, nën faturim etj.	14,000	2.83%
Humbjet e Dukshme (Administrative)	79,000	15.96%
Humbjet e ujit nga rrjedhjet në linjat e transmetimit	40,000	8.08%
Humbjet e ujit nga rrjedhjet në stacionin e pompave, burim.	10,000	2.02%
Humbjet e ujit nga rrjedhjet dhe kapërderdhjet në depot e ujit	11,000	2.22%
Humbjet e ujit nga rrjedhjet në rrjetin e shpërndarjes	96,000	19.39%
Humbjet e ujit nga riparimet në linjat e sistemit të Ujësjetës	2,221	0.45%
Humbjet Reale (Teknike)	159,221	32.17%
Humbjet Totale (Reale dhe të dukshme)	238,221	48.13%
UJI PA TË ARDHURA	243,221	49.14%

Komente :

- UPA në vlerën 49.14% të prodhimit vjetor konsiderohet në nivele të pakënaqshme.
- Pasaktësia e mundshme gjatë përlllogaritjes të sasisë së ujit të prodhuar me vlerësim (100% i vlerësuar), mund të jetë shkaku kryesor i diferencës mjaft të madhe ndërmjet volumit të ujit të prodhuar ndaj atij të faturuar.
- Humbjet administrative në nivelin 15.96% të prodhimit shkaktohen kryesisht nga lidhjet e paligjshme në rrjetet e transmetimit (4.04 %), shpërndarje (9.09 %) dhe nga pasaktësi në matjen e ujit, nën faturim (2.38 %). Këto humbje konsiderohen mjaft të larta pasi kanë një impakt financiar negativ për shoqërinë, veçanërisht humbjeve në rrjetin shpërndarës.
- Humbjet teknike në nivelin 32.17 %, rezultojnë kryesisht nga rrjedhjet në rrjetin shpërndarës (19.39 %) dhe atë të transmetimit (8.08 %) dhe konsiderohen gjithashtu të larta që duhen analizuar shkaqet në terren dhe të gjenden mundësitë e uljes së tyre.

Rekomandime:

- *Duke patur parasysh që asnjë burim i shfrytëzueshëm nuk është i pajisur me ujëmatës, nevoja për investime në ujëmatës në prodhim është e domosdoshme dhe imediate. Shoqëria duhet të marrë masa urgjentë për gjetjen e këtyre fondeve nga qeveria qendrore apo burimet e brendshme të saj për instalimin e tyre në mënyrë që të hartohet një bilanc uji sa më real.*
- *Në lidhje me përqindjen e lartë të mundshme të lidhjeve të paligjshme, Njësia duhet të ndërmarrë plan veprimi për të përcaktuar sa më saktësisht bazën e klientëve, që krahas verifikimeve në terren (task-forcë) të krahasohet edhe me bazën e klientëve të OSHEE-se, si edhe me verifikime në vend për anashkalim të ujëmatësit me lidhje dytësorë.*
- *Duke patur parasysh mangësitë dhe vështirësitë në raportimet e vlerave të Bilancit të Ujit që ka demonstruar stafi i shoqërisë, është i domosdoshëm trajnimi i stafit si dhe caktimi i një personi përgjegjës për monitorimin e humbjeve, saktësimin e të dhënave si dhe hartimin e bilancit të ujit për gjatë gjithë muajve të vitit.*

- Shoqëria të shoh si prioritet ndarjen e rrjeteve të shpërndarjes në DMA të cilat mundësojnë monitorimin më të mirë të humbjeve, për të diagnostikuar ku janë problemet më të mëdha me humbjet, në bazë të të cilave do të hartohen planet e masave për zvogëlimin e tyre.

III Përmbledhëse e UPA për Shoqërinë Rajonale UK Pogradec

Shoqëria Rajonale UK Pogradec, e krijuar nga bashkimi i ish shoqërive UK Pogradec dhe Përrenjas ofron shërbimin e furnizimit me ujë për rreth 70% të popullsisë totale.

Numri i lidhjeve për shërbimin e furnizimit me ujë raportohet 21,316 lidhje, nga të cilat 88.9 % janë të pajisur me aparate ujëmatës.

Prodhimi vjetor 2,860,595 m³ rezulton i matur në nivelin 74.9 %, nevoja për aparateve ujëmatës në pikat prodhuese është e domosdoshme për të gjitha burimet e shfrytëzueshme.

Uji Pa të Ardhura është në nivelin 37.5 % të ujit që hyn në sistem dhe shoqëria faturon vetëm 1,787,797 m³ ujë ose 62.5% të prodhimit.

Tabela 5 paraqet komponentët përbërës të Bilancit të Ujit për vitin 2022, për Sh. Rajonale UK Pogradec.

Tabela 5. Bilanci i Ujit për Shoqërinë Rajonale UK Pogradec – Viti 2022

Emërtimi	Volumi i Ujit (në m ³)	Ndaj Ujit të Prodhuar (ne%)
Volumi i ujit të prodhuar që futet në sistem	2,860,595	100.00%
Konsumi i ujit të faturuar i matur	1,699,868	59.42%
Konsum i ujit të faturuar i pa matur	87,929	3.07%
Faturimi Total	1,787,797	62.50%
Konsumi i Autorizuar i Pa faturuar	7,500	0.26%
Humbjet e ujit nga lidhjet e paligjshme në linjën e transmetimit	72,917	2.55%
Humbjet e ujit nga lidhjeve e paligjshme në rrjetin shpërndarës	146,253	5.11%
Humbjet e ujit nga pasaktësi në matjen e ujit, nën faturim etj.	104,970	3.67%
Humbjet e Dukshme (Administrative)	324,140	11.33%
Humbjet e ujit nga rrjedhjet në linjat e transmetimit	158,280	5.53%
Humbjet e ujit nga rrjedhjet në stacionin e pompave, burim.	57,312	2.00%
Humbjet e ujit nga rrjedhjet dhe kapërderdhjet në depot e ujit	34,656	1.21%
Humbjet e ujit nga rrjedhjet në rrjetin e shpërndarjes	474,495	16.59%
Humbjet e ujit nga riparimet në linjat e sistemit të Ujësjesit	16,415	0.57%
Humbjet Reale (Teknike)	741,158	25.91%
Humbjet Totale (Reale dhe të Dukshme)	1,065,298	37.24%
UJI PA TË ARDHURA	1,072,798	37.50%

Komente:

- Treguesi UPA në nivelin 37.5 % të prodhimit vjetor, megjithëse nën mesataren e sektorit për të gjithë vendin konsiderohet në nivele jo të kënaqshme dhe që duhet përmirësuar.
- “Uji i Prodhuar” matet në nivelin 74.9%, shoqëria duhet të marrë masa për gjetjen e fondeve nga qeveria qendrore apo burimet e brendshme të saj për instalimin e ujëmatësave në të gjithë burimet e furnizimit me ujë, në mënyrë që të hartohet një bilanc uji sa më real.
- Humbjet nga lidhjet e paligjshme në rrjetin shpërndarës (5.11%) dhe të transmetimit (2.55%) konsiderohen të larta që duhen vërtetuar në terren nëpërmjet një Task Force të ngritur për këtë qëllim.
- Humbjet nga rrjedhjet në linjat e transmetimit (5.53 % të prodhimit vjetor) dhe të shpërndarjes (16.59%) duhet të verifikohen në terren dhe të jepen argumente të mëtejshme për justifikimin e tyre.
- Konsumatorët me matje përbëjnë rreth 88.2 % të numrit total të konsumatorëve, që për një menaxhim korrekt të kërkesës për ujë kërkohet të jetë sa më afër nivelit 100 % të matjes.
- Vlerësimi dhe analiza e humbjeve nuk kryhet në mënyrë të vazhdueshme dhe jo sipas zona të ndara me matje (DMA) në të gjithë zonën e shërbimit të shoqërisë.
- Në përgjithësi stafi has mjaft vështirësi për monitorimin e humbjeve dhe hartimin e bilancit të ujit në të gjithë zonën e shërbimit.

Rekomandime:

- *Të bëhen përpjekje për sigurimin e fondeve për të projektuar dhe zbatuar sisteme DMA në të gjithë zonën e shërbimit të shoqërisë që mundëson një monitorim, diagnostikim dhe marrjen e masave për uljen e humbjeve në sistemet e furnizimit me ujë, si dhe hartimin e një bilanci korrekt të ujit.*
- *Të trajnojnë vazhdimisht stafin teknik në programet kombëtare të humbjeve të ujit të organizuara nga SHUKALB dhe më gjerë, si dhe të caktojnë një person përgjegjës për monitorimin, përpunimin dhe saktësimin e të dhënave të raportuara, për hartimin e bilancit të ujit për çdo DMA dhe për të gjithë zonën e shërbimit të shoqërisë rajonale.*
- *Shoqëria duhet të marrë masa për gjetjen e fondeve nga qeveria qendrore apo burimet e brendshme të saj për instalimin e ujëmatësave në të gjithë burimet e furnizimit me ujë, në mënyrë që të hartohet një bilanc uji sa më real.*
- *Shoqëria duhet të gjejë fonde për të rritur përqindjen e konsumatorëve familjare me matje që ky tregues të jetë sa më afër nivelit 100%, për të mundësuar një menaxhim racional të kërkesës për ujë si dhe minimizimin e humbjeve të dukshme, të cilat ndonëse në disa raste raportohen në nivele mjaft të ultë janë të pa besueshme.*
- *Hartimi i një plan veprimi me prioritet instalimin e matësave në shtëpitë private dhe kryesisht në zonat rurale.*

- Në lidhje më përqindjen e lartë të mundshme të lidhjeve të paligjshme, shoqëria duhet të ndërmarrë plan veprimi për të përcaktuar sa më saktësisht bazën e klientëve bazuar edhe në bazën e klientëve të OSHEE-se.
- Të ngrihet një Task Forcë e cila në terren të verifikojë për anashkalim të ujëmatësit më lidhje dytësore apo klientë të paregjistruar më kontratë më shoqërinë, te kontrolloje punën e lexuesve të matësve dhe në përgjithësi për evidentimin e problematikes më ujin e nën faturuar.
- Të krijojë dhe të mirëmbajë të gjitha sistemet e informacionit, për të patur raportim të saktë dhe të besueshëm të të dhënave të kërkuara, në lidhje më bilancin e ujit dhe çdo informacioni tjetër që mund të kërkoet.
- Të planifikojë investime në ujëmatës për të gjithë kategoritë e konsumatorëve, për të patur konsum të matur për çdo lidhje uji që faturohet.
- Për çdo lidhje pa matës, në pamundësi për vendosjen e matësit, nëpërmjet faturuesve duhet të verifikohet numri i banorëve (certifikatë familjare) për çdo lidhje dhe më pas të faturohen sipas VKM nr.102, datë 16.03.1992.
- Problematika në disa raste nuk është e njëjtë për çdo njësi. Për këtë Sh. R Pogradec duhet të verifikojë në terren dhe të analizojë me kujdes të dhënat e njësisë Përrenjas, e cila është ndarë së fundmi nga ish UK Librazhd dhe nuk disponon të dhëna të sakta lidhur me faturimin, numrin e lidhjeve, popullsinë e shërbyer, UPA etj.
- Të rrisë bashkëpunimin më ERRU-në për të tejkaluar vështirësitë në hartimin e bilancit të ujit dhe të dorëzojë atë në kohë pranë ERRU-së. Bilanci i ujit duhet të dorëzohet çdo 6 muaj, vërtetësia dhe saktësia e të dhënave të bilancit do të vlerësohet nga ERRU si penalitet ose bonus për shoqërinë raportuese.